



UNIVERSITÄTS-
BIBLIOTHEK
PADERBORN

Universitätsbibliothek Paderborn

Defensio Abbatiæ Imperialis S. Maximini

Zyllesius, Nicolaus

Treveris, 1638

Sectio Tertia. Sigibertinum, aliquæ libello carptim dicta refelluntur.

urn:nbn:de:hbz:466:1-14268

tonis consanguineus erat, visa, perlecta, examinata acta, Ius redditum, sententia supremi iudicis lata, nunquid id tibi satis est?

SECTIO TERTIA.

Sigibertinum, aliaq[ue] libello carptim dicta refelluntur.

SIGEBERTI prætensum Diploma sub lit. B libello insertum ijsdem vitijs laborat, quibus præcedens Dagobertinum, ijsdemque de causis vim omnem perdit, nam & per Sententias, Decreta, ac solidissima Regum ac Imperatorum Diplomata, quæ proferimus eliditur & obruitur, & figmentum est, ut ex addito, Anno Incarnationis, & subscriptione præter morem istius æui, alijsque indicij ostenditur. Præterea vim habere non potest, cum sit nudum exemplū Copiæ alicuius nescio unde extractæ, cuius originale nunquam exhiberi potuit. Item ad rem nostram & quæstionem non pertinet, quia non loquitur de Monasterio S. Maximini, sed de Cella quadam S. Hilarij, cuius nullum omnino vestigium, vel memoria est apud nos. Denique quia ad instantiam Modoaldi Archiepiscopi concessum, confirmat solummodo Ius, quod impetrans proposuerat ac narrauerat. Ob quas omnes & singulas rationes, Iuri nostro obstatre non posse manifestum est ex dictis Seet. præcedenti. Sed præter allatas considerationes, quædam peculiares aliae in hoc Sigebertino occurrunt, quæ illud suspectum inualidumque faciunt.

§. I. Rationes particulares Sigibertinum destruentes.

Prima, quia falsa est subscriptio hæc. Sigebertus Rex Francorum, nam Sigebertus fuit tantum Rex Austrasie, non autem Francorum, quibus, eius tempore imperabat Clodouæus Sigeberti frater natu maior, ut constat ex Egidio Bucherio in Chron. in fine tom. 1. Episcop. Leod. Chappaenilly. Aimonio lib. 4. c. 33. Appendice veteri Gregorij Turonensis cap. 79. Scipione Duplexio in Clodouæo.

Secunda, quia non sunt additi anni, Regni Sigeberti, vel indictiones, vti monitis erat eo tempore.

Tertia, quia ponitur subscriptisse Remaclus Traiectensis Episcopus, illo autem Anno DCLIII, quo supponitur fuisse datum, Remaclus non erat Traiecti Episcopus, sed Theodardus, multâ enim instantiâ & precibus Remaclus à Sigeberto Rege Episcopatu liberari petierat & obtinuerat. Ita Bucherius supra Anno DCLIII. Vide etiam vitam S. Remaclii per Nodgerum apud Surium, & Sigebertum in Chronicō Anno DCXXXI.

Quarta, quia Martinus Dux non subscriptisit, cum tamen in textu Diplomaticis prætensi dicatur subscriptisse.

Quinta, quia in eodem textu narratur quod Hattus Dux cum grassatoribus suis, vastitatem Gallijs intulerit, quam grassationem, & vastationem nemo omnium Historicorum sub Sigeberto Rege in Gallijs perpetratam meminit. Mirum foret omnes Historicos, quorum est turbas & res bellicas persecui, rem tam notam & publicam silentio oboluisset.

Sexta, quia exemplum illud Diplomatici exhibitur mutilatum, abscissum & truncatum, omissa parte aliqua textus, sub verbis, Atque post hæc, quæ omisso il-

lud inualidum & inutile, imò potius noxiū reddit, teste Præside Fabro in Codice Fabr. lib. 2. tit. 1. defin. 2. n. 3. an allegat.

Septima, quia etiam hoc prætensum Diploma varias formas induit, sicut supra reculimus de Dagobertino. Nam in conferentia anni MDCLXV. integrum, tanquam per exemplum fuit exhibitum, & additum quod habuerit quatuor Sigilla, vnum aureum, & tria cerea, quæ etiam describebantur, vti est apud Rosierium. Addebatur etiam subscriptio Martini Ducis Austriae Mosellanicæ; quæ, vti & sigilla in libello nostro omittuntur. Atque ita, si licitum & fas fuerit omittere ea, quæ Scriptori displicebant, quis non suspicetur ab eodem ea quæ ipsi placebant, adiecta, vt sunt ea, quæ Cella Hilarij nomine S. Maximini insignita dicuntur.

Ottava, quia vt ex textu istius documenti apparet, refert se author illius narratiuè ad præcedens Dagobertinum supra refutatum, Referens autem, non potest habere maiorem vim quam relatum. *Thuscus V. Relatum.*

Nona, quia prætenso Dagobertino, ad quod se refert in substantialibus terminis, repugnat, dicit enim Dagobertum tradidisse Cellas Ecclesiæ S. Petri, cùm tamen, tam ex Diplomate ipso Dagoberti, quam Scriptoris confessione clatum sit, Dagobertum dictas Cellas quasi iam ante traditas & ad Ecclesiam S. Petri pertinentes ipsi reliquisse & confirmâsse. Itaque in hac contradictione & repugnantia, nescias, cui credas, atque ita verique prætenso Diplomati fides omnis abrogatur, & mutuo se destruunt. *I. scriptura 14. c. de fide instrument.*

Ex quibus omnibus alijsque rationibus, quæ ex istorum Diplomatū consideratione erui possunt, euidentē est, nihil contra nos per Siegeritnum illud prætensum probari posse.

§. II. Refelluntur alia de fundatione Vandalis Hunnisque dicta.

Quod dicis in Notabili 1. Archiepiscopos dotasse Monasterium S. Maximini, ex dictis & dicendis falsum esse constat. Quod 2. addis, Reges Francorum non prætendere titulum Fundatoris, ad questionem nostram non pertinet, Certe vt fundatores non sint, benefactores fuisse magnos illos Austrasiæ Reges, Dagobertum, Pipinum eiusque Successores, nimis nobis notum est, & lex gratitudinis verat, nos eiusce rei obliuisci.

Quod vero tertio ex voce illa, *Hattus*, eruis & infers Reges Franciæ Hattos, Hunnos, Vandalos, Nortmannos, & quoquecunque alias (similes barbaros rcor) ex Archidiœcesi Treuirensi semper elecisse, vide quomodo tuaris, vereor enim vt hic quoque Historici, te ad metam, non loqui, deducant. A quibus ostenditur Hunnos & Vandalos ante Francorum in Gallias aduentum & Dominatum, tertio in easdem inuallis. Primo, sub Gratiano circa Annum CCCL XXXIV. teste Sigonio lib. 9. de Occident. Imp. Secundo, sub Arcadio euocati sunt à Stilicone circa Annum CCCC VI. teste Osorio lib. 7. cap. 38. Tertio, quando cum Attila irruperunt circa Annum CCCCLI. teste Turonensi lib. 2. cap. 6. Neque post illa tempora Hunnos, Vandalosque Galliæ cladem intulisse reperio. Constat vero Francos eo tempore in Gallia necdum rerum potitos, sed trans Rhenum Degentes, cladem ab Hunnis & Vandalis transiuntibus in Galliam passos, ac Treuiros primum attigisse circa Annum CCC CLIII. vt refert Aimoinius libr. 1. hist. cap. 3. Vide huius Chronologię ra-

tio-

tionem apud Bucherium, in disputat. historica de primis Tungrorum Episcop. C. 5.
Baronum suis locis, & alios.

Nortmanni quidem Treuiros Vastarunt circa Annum DCCCLXXXII. & Carolo Crasso annitente, certis pactis initis, inde recesserunt, non autem vi eieci sunt, quin potius parte Galliae illis concessa, Franci pacem tandem inire coacti sunt. Regino, In Chron. Ann. 882. Frodoardus, In Chron. Ann. 922. & alij.

De Hattis inuidentibus Treuiros, quod afferis, nullius Auctoris testimonio probare poteris.

Atque ita concludo, præterquam quod impertinentia sint sine solido fundamento, ea quæ de Hattorum, Hunnorumque electione retulisti, abs te dicta esse, cætera vero, quæ de assistentia Moderni Regis Christianissimi narras, etiam ad hanc questionem non pertinere.

SECTIO QVARTA.

Graues calumniæ in priscos S. Maximini Religiosos contortæ, refutantur.

NON modò fictis eiusmodi & fictilibus Regum Austrasiæ productis documentis, conatus est Scriptor libelli famosi, Monasterij statum euertere: Verùm etiam fictis & excogitatis criminibus ac factis, quæ à n. 12. usque ad n. 17. in libello persequuntur. Nam primò accusat Religiosos præfatos de crimine falsi, dicitque eos perficta fronte & falso negare, Monasterium sub omnimoda Archiepiscopali & Electorali Iurisdictione Ecclesiastica & sæculari permanisse, cùm illud à S. Hildulpho fundatum & instauratum afferat. Secundò, dicit pessimis artibus, quas enumerat, ac inter illas, præstigijs ac veneficijs usq[ue] Pontifices, Imperatores ac Principes exteriores, contra Archiepiscopos concitarent. Tertiò, ijsdem pessimis artibus usq[ue] adhæsisce Pontificibus & Regibus Romanorum schismaticis & excommunicatis, & ab ijsdem per falsa narrata, inualida Diplomata, sub & obreptitiæ ex parte casse, idque nominatim ab Ottone II. & Henrico IV. & V.

Quæ quidem omnia, aliaque, quæ citato loco referuntur, cum falso & sine ullâ veritatis apparentiâ, & omnino sine ullâ probatione audacter afferantur, possent sola negatione sufficenter refelli, cum omni Iure quiuis præsumatur bonus & innocens, neque falsarius, perduellis, præstigiator, veneficus quispiam haberi debeat, donec talis probetur.

Nihilominus, ne quis fortè scrupulus aut dubitatio animis simpliciorum in hæreat, ob illa tam fortiter asserta & toti mundo proposita, quæ ad tria supradicta capita pertinent gesta, paucis referam.

S. I. Archiepiscopi Treuirenses non fundarunt Monasterium S. Maximini.

Archiepiscopos non esse Fundatores Monasterij nostri, patet primò ex ijs, quæ dixi primâ parte, & sectione primâ huius partis, vbi testimonij clarissimis, ijsque Originalibus & irrefragabilibus ostensum est, funda-